

DIE XIV NOVEMBRIS.

S. JOSAPHAT EPISCOPI ET MARTYRIS.

Introitus.

Gaudeamus omnes in Dómino, diem festum celebrantes sub honóre beáti Jósaphat Mártiris; de cujus passióne gáudent Angeli, et collaudant Fílium Dei.

Ps. 32. Exultáte justi in Dómino: rectos decet collaudatio.

γ. Glória Patri...

ORATIO.

Excita, quæsumus Dómine, in Ecclesia tua Spíritum, quo replétus beátus Jósaphat Mártyr et Póntifex tuus, animam suam pro óvibus pósuit: ut, eo intercedente, nos quoque eódem Spíritu moti ac roboráti, animam nostram pro fratribus pónere non vereámur. Per Dóminum... in unitate ejúsdem Spíritus.

Léctio Epístolæ beáti Pauli Apóstoli ad Hebræos. *Hebr. 5.*

Fratres: Omnis póntifex ex homínibus assúptus, pro homínibus constitúitur in iis, quæ sunt ad Deum, ut offerat dona, et sacrificia pro peccátis: qui condolére possit iis, qui ignórant et errant: quóniam et ipse circúmdatus est infirmitate: et propterea de-

bét, quemádmódum pro pópulo, ita étiam et pro semetípso offerre pro peccátis. Nec quisquam sumit sibi honórem, sed qui vocátur a Deo, tamquam Aaron. Sic et Christus non semetípsum clarificávit ut póntifex fieret: sed qui locútus est ad eum: Fílius meus es tu, ego hódie génui te. Quemádmódum et in álio loco dicit: Tu es sacerdos in ætérnum, secúndum órđinem Melchisedeeh.

Graduale. Ps. 88. Invéni David servum meum, óleo sancto meo unxi eum; manus enim mea auxiliábitur ei, et bráchium meum confortábit eum. γ. Nihil proficiet inimicus in eo, et filius iniquitátis non nocébit ei. Allelúja, allelúja. γ. Hic est sacerdos, quem coronávit Dóminus. Allelúja.

Témpore Pascháli.

Allelúja, allelúja. γ. *Ps. 88.* Confitebúntur cœli mirabilia tua, Dómine: étenim veritatem tuam in ecclesia sanctórum. Allelúja.

γ. *Ps. 20.* Posuísti, Dómine, super caput ejus coronam de lapide pretióso. Allelúja.

Post Septuagésimam
omissis Allelúja, et versu se-
quénti dicitur:

Tractus. Ps. 20. Desidé-
rium animæ ejus tribuísti ei:
et voluntate labiôrum ejus
non fraudásti eum.

✠ Quóniam prævenísti eum
in benedictionibus dulcédinis.

✠ Posuísti in cápite ejus
corónam de lapide pretíoso.

✠ Sequéntia santi Evan-
gélíi secúndum Joánnem.

Joan. 10.

In illo témpore: Dixit Jesus
Pharisæis: Ego sum pastor
bonus. Bonus pastor ani-
mam suam dat pro óvibus
suis. Mercenárius áutem, et
qui non est pastor, cujus non
sunt oves próprie, videt lu-
pum veniéntem, et dimíttit
oves, et fugit: et lupus rapit,
et dispérgit oves: merce-
nárius áutem fugit, quia merce-
nárius est, et non pértinet ad
eum de óvibus. Ego sum pas-
tor bonus: et cognósco meas,
et cognóscunt me meæ. Sicut
novit me Pater, et ego agnós-

co Patrem: et animam meam
pono pro óvibus meis. Et álias
oves hábeo, quæ non sunt ex
hoc ovili: et illas opórtet me
addúcere, et vocem meam áu-
dient, et fiet unum ovile, et
unus pastor.

Offertórium. Joan. 15. Ma-
jorem charitátem nemo ha-
bet, ut animam suam ponat
quis pro amicis suis.

Secréta.

Clementíssime Deus, mún-
era hæc tua benedictióne
perfúnde, et nos in fide con-
fírma: quam sanctus Jósaphat Mártýr et Póntifex tuus,
effúso ságuine, adsérui. Per
Dóminum...

Commúnio. Joan. 10. Ego
sum pastor bonus, et cognós-
co oves meas, et cognóscunt
me meæ.


Postcommúnio.


Spirítum, Dómine, fortitú-
dinis hæc nobis tríbuat men-
sa cœléstis: quæ sancti Jósaphat Mártýris tui atque Pon-
tíficis vitam pro Ecclesiæ
honóre júgiter áluit ad victó-
riam. Per Dóminum...

[Faint, illegible text, likely bleed-through from the reverse side of the page. The text is arranged in several paragraphs.]











A 54/2